



Asii Chemnitz Narup  
Inatsisartuni ilaasorta, Inuit Ataqtigiit

## 160/2023-imi kunstig intelligens pillugu § 37 atorlugu apeqqut

### Asasara Asii Chemnitz Narup

Qujanaq Inatsisartut suleriaasiat malillugu kunstig intelligens pillugu apeqquteqaatinnut. Apeqqutitit ataani akissavakka.

### 1. Kunstig intelligens (KI) pillugu Naalakkersuisut qanoq tunngaviusumik isumaqarlutillu isumaliorpat?

Naalakkersuisunit KI pitsaasumik atorneqarsinnaanera takusinnaavarput, ilaatigulli aamma KI eqqarsarluarluni isornartillugulu atorneqartariaqarpoq.

Pisorta qarfinni KI atorneqalissappat, tamanna ersarissumik tunngaveqarluni pissaaq. Pisorta qarfinnit uppernarsarsinnaasariaqarpoq kunstig intelligens qanoq paasissutissanik pissarsisimanersoq. Taamaalior toqassaaq innuttaasut suliffeqarfiillu sullinneqarneranni aalajangiineq tutsuiginartumik eqqortumillu pisariaqarmat.

Kunstig intelligensip sulianik ingerlatsiner mi atulissappat pisorta qarfiit uppernarsarsinnaasariaqarpaat KI paasissutissanik atueriaatsimini pissuserissaartuullunilu akisussaassuseqartumik pisartoq.

### 2. Immikkoortuni suni KI inuiaqtigiinnut iluaqutaasumik atorneqarsinnaasoq Naalakkersuisut isumaqarpat?

KI-p ineriartornerata kingunerisinnaavaa pisorta qarfinni suliassani assigiinngitsuni KI-p atorneqartalernissaa. Kalaallit Nunaanni pisorta qarfinni allaffissor neq eqqarsaatigalugu suliassa qarfiit ilaat suli digitaliseerer neqanngillat imaluunniit paasissutissat KI-mi suli atorneqarsinnaanngillat.

Nunarsuarmi peqqissutsip, ilinniartitaanerup atugarissaarnerullu iluani KI-mik atuineq ingerlalluarpoq. Tamannalu Kalaallit Nunaannut atuutlernissaa aamma naatsorsuutigineqarpoq.

### 3. KI-p ator neqarnerani akunnattoorfiit suut Naalakkersuisut takusinnaavaat?

KI-mik atuiner mi akunnattoorfiit arlaqarput:

- Innuttaasut assigiinngissusaat eqqarsaatigalugu paasissutissat naapertuutinnngissinnaaneri.

Brevdato: 23. november 2023

Sagsnr. 2023 - 27599

Akt. nr. 6257263

P. O. Box 1037

3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

- Paasissutissani tamanut saqqummiunneqarnikuusuni allannortiterisimasinnaaneq – tassa deep fakerineq, taamaalilluni assit, nipit videullu nikanarsaatigineqarsinnaaneri.
- KI-p ilinniarnermut atatillugu suliassanut, qinnuteqaatinut allaatigisanut assigisaanullu atorneqarsinnaanera.

KI-mi maluginiagassat ilaannaat matumani taakkartorneqarput.

Suliassaqrarfiit ilaanni innuttaasunut suliffeqarfinnullu sunniuteqartussanik KI atorlugu aalajangiisoqartalissappat, paasissutissat eqqarsaatigalugit kukkusumik aalajangiisoqarsinnaanissaa eqqarsaatigalugu isumatusaarnissaq nalilersorneqartariaqarpoq. KI atulissagaluarpat, navianaataasinnaasut appasittumeeqqartariaqarput.

#### **4. Atugarissaarnermi teknologikkut aaqqiissutit suut Naalakkersuisut inuiaqatigiitsinnut saqqummiutissallugit pilersaarutigaa?**

##### **a. Qaqugu?**

Kunstig intelligenip innuttaasunut attuumassusilinnut atorneqarnissaanik pilersaaruteqartoqanngilaq.

Digitalinngortitsinermut Aqutsisoqarfimmit digitalimik allaffissornerup aaqqissuunneranut qaffasissumik sillimaniarnerup inissisimanissaa anguniarlugu KI-systemi atorneqarpoq. Digitalimik aaqqissuussat nalinginnaasumik ingerlanngitsut pillugit KI-systemi sulianik unitsitsisoqarnissaanut aalajangiisarpoq.

Oqartussaqrarfinni KI atorlugu ingerlatsisoqalissagaluarpat, oqartussaqrarfinni atuutsitsilinnginnermi ingerlatsinissamat eqqarsaatersuutissat arlaqarput. Imaassinnaavoq KI sillimaniarneq eqqarsaatigalugu atorneqassagaluarpat inatsisini atuuttuni allannguisoqartariaqartoq.

#### **5. Naalakkersuisut aalajangernissaq sioqqullugu sumit siunnersorneqarlutillu ikiorneqassappat?**

Digitalinngortitsinermut Aqutsisoqarfik pisortaqrarfinnik, suliffeqarfinnik siunnersortinillu digitalinngorsaanerup iluani suliassaqrarfiit assigiinngitsut pillugit suleqatigisartagarpassuaqarpoq. KI eqqarsaatigalugu Danmarkimi digitaliseringsstyrelse, Center for cybersikkerhed, PET aammalu Kommunernes Landsforening eqqarsaatigineqarsinnaapput. Taakkua saniatigut Nunani avannarlerni MR-DIGITAL aqutqigalugu ineriartorneq malinnaaffigineqarpoq.

Avataanit ikiorneqartariaqarneq eqqarsaatigalugu pisortaqrarfinni akisussaassuseqartumik KI atorlugu aaqqiissutinik atuneq sunnerneqanngilaq. Pisortaqrarfiit namminneerlutik aalajangissavaat KI qanoq atussanerlugu, taakkuullutillu innuttaasunut suliffeqarfinnullu akisussaasuutinneqartussat.

Inussiarnersumik inuulluaqqusillunga  
Med venlig hilsen

Múte Bourup Egede

